

List of Signatures

Page 1/1



Sak 007-25 Vedlegg 1 Utgreiing Åpenhetsloven.pdf

Name	Method	Signed at
Hansen, Eivind	BANKID	2025-04-07 23:33 GMT+02
Sjøtun, Agnete Waldine Honningsvåg	BANKID	2025-04-11 07:52 GMT+02
Schøyen, Helle Kristine	BANKID	2025-04-07 19:52 GMT+02
Økland, Bernt Olav	BANKID	2025-04-07 13:44 GMT+02
HOVLAND, ANDERS	BANKID	2025-04-12 13:54 GMT+02
Kirkeluten, Ole Jørgen	BANKID	2025-04-07 13:16 GMT+02
Haaland, Karl Olav	BANKID	2025-04-11 14:30 GMT+02
Gjemdal, Eivind	BANKID	2025-04-07 13:11 GMT+02
Krogstad, Beate Sander	BANKID	2025-04-10 13:35 GMT+02
Meling, Elisabeth	BANKID	2025-04-10 11:23 GMT+02
Bryne, Inger Cathrine	BANKID	2025-04-08 08:42 GMT+02
Varden, Arve	BANKID	2025-04-08 08:03 GMT+02



This file is sealed with a digital signature. The seal is a guarantee for the authenticity of the document.

External reference: B35A62A8A1F548FCBF70CACC40186A40

Utgreiing Openheitslova – aktsemdsvurdering 2024

Oppsummering

Etter Openheitslova¹ §5 skal verksemdar greie ut for aktsemdsvurderingar etter §4. Føremålet med lova er å sikre at verksemdar fremjar respekt for grunnleggande menneskerettar og anstendige arbeidsforhold ved produksjon og levering av varer og tenester. Lova er eit verkemiddel i arbeidet med å fremje FN sitt bærekraftsmål.

Openheitslova forpliktar verksemdene til å gjennomføre aktsemdsvurderingar. Med aktsemdsvurdering vert det meint systematisk arbeid med kartlegging og utgreiing av korleis risikoen for negativ påverknad blir handtert, førebygging og avgrensing av denne, samt læking av potensielle skadar valda på menneske, samfunn og miljø.

Krava til aktsemdsvurdering tek omsyn til FN sine prinsipp for næringsliv og menneskerettar (UNGP) og OECD sin modell for aktsemdsvurderingar for ansvarleg næringsliv.



Verksemda

Helse Vest IKT AS er eit dotterselskap av Helse Vest RHF, eit regionshelseføretak for spesialisthelsetenesta i Vestland og Rogaland fylke. Selskapet har kontor i Førde, Bergen, Haugesund og Stavanger, og er leverandør av IKT-tenester og IKT-utstyr til alle føretaka i Helse Vest, samt til nokre private/ideelle aktørar som har avtale om levering av helsetenester til Helse Vest.

¹ («Lov om virksomheters åpenhet og arbeid med grunnleggande menneskerettigheter og anstendige arbeidsforhold»)



Helse Vest IKT er delt inn i to stabsfunksjonar; HR og Fellestenester, og i seks avdelingar; Strategisk IKT, Verksemdsutvikling, Tenesteutvikling, Regionalt EPJ-fagsenter, IKT-fagsenter og Tenesteproduksjon. Administrerande direktør rapporterer til styreleiar, og styret har ti styremedlemar i tillegg til styreleiar. Selskapet sitt øvste organ er generalforsamlinga.

Helse Vest IKT AS er plikta til å drive verksemda i tråd med dei etiske retningslinene i Helse Vest, samt følgje OECD sine retningslinjer for aktsemdsvurderingar.

Aktsemdsvurderingar 2024

Dette er den tredje rapporten som er laga med utgangspunkt i Openheitslova sine krav, og er eit arbeid som vil gå over tid. Helse Vest IKT AS forpliktar seg til å fremje og respektere menneskerettar og anstendige arbeidstilhøve, og skal ta denne forpliktinga inn i etiske retningslinjer, samt retningslinjer for innkjøp.

Helse Vest IKT AS skaffar i all hovudsak varer og tenester gjennom nasjonale og regionale avtalar inngått av Sykehusinnkjøp HF. Sykehusinnkjøp HF er, i samsvar med regelverket for offentlege anskaffingar, dei nasjonale og regionale helseføretaka sin innkjøpssentral. Sykehusinnkjøp HF er medlem av Etisk Handel Norge, og samarbeider med andre store anskaffingsaktørar, som t.d. Statens Innkjøpssentral, Oslo Kommune og Amgros, når det gjeld samfunnsansvar og aktsemdsvurderingar.

Sykehusinnkjøp HF nyttar denne modellen for aktsemdsvurderingar for ansvarleg og berekraftig forretningspraksis:



Sykehusinnkjøp HF utfører aktsemdsvurderingar på anskaffingar for å førebygge risiko for brot, samt handtere faktiske brot på menneskerettar i leveransekjeda i samsvar med OECDs retningslinjer og i tråd med Openheitslova. Les meir om aktsemdsvurderingar og



årleg utgreiing for Sykehusinnkjøp HF her: [Samfunnsansvar - Sykehusinnkjøp HF \(sykehusinnkjop.no\)](https://samfunnsansvar-sykehusinnkjop.no).

Det er etablert kommunikasjonslinjer mellom Sykehusinnkjøp HF og Helse Vest IKT AS i samsvar med inngått samarbeidsavtale², og Helse Vest IKT AS sitt ansvar er å følge opp i samsvar med denne. Dersom Helse Vest IKT AS har mistanke om brot på menneskerettar innan eit område Sykehusinnkjøp HF har inngått avtale på, skal mistanken varslast via e-post til avtaleforvaltning@sykehusinnkjop.no.

Helse Vest IKT AS sitt arbeid med samfunnsansvar og aktsemdsvurderingar ved kjøp av varer og tenester vert i hovudsak utført av Sykehusinnkjøp HF (for meir informasjon om dette, sjå deira utgreiingsrapport for 2024³). Sykehusinnkjøp HF har i fleire år jobba strukturert og målretta med etisk handel, og vedtok i 2017 ein policy for samfunnsansvar etter ein innspelsrunde i helseregionane.

Sykehusinnkjøp HF tek omsyn til samfunnsansvar m.m. i dei prosessar og rutinar som gjeld anskaffingar, og både kartlegg og avdekkar negativ påverknad og risiko i samband med anskaffingar og etterfølgjande kontraktsforvaltning. Dei har òg identifisert risiko for negativ påverknad eller skade på menneske, samfunn og miljø, både i leverandørkjeda og når det gjeld forretningsforbindelsar. Sykehusinnkjøp har i 2024 hatt skjerpa aktsemdsvurderingar knytt til Israel-Palestina konflikten, med utvikling av nye krav, rettleiing og rutinar knytt til brot på folkeretten.

I kartlegging av verksemda sin verknad på menneske, dyr, samfunn og miljø i leverandørkjeda og gjennom forretningsforbindelsar, handlar det først om å danne seg eit overordna risikobilete, for så å prioritere dei mest vesentlege risikoområda for grundigare kartlegging og handtering av funn.

Innanfor IKT-anskaffingar er spesielt IKT-hardware identifisert som eit risikoområde, med tema innanfor mogleg tvangsarbeid, helse, miljø og sikkerheit, spesielt med tanke på produkt frå Kina.

IKT er valt ut som eit prioritert område, då det er kjent for høg risiko innan menneske- og arbeidstakarrettar i verdikjeda, og fordi marknaden blir opplevd som lite open når det gjeld dei faktiske forholda i leverandørkjeda. IKT er òg ein del av Sykehusinnkjøp HF sitt kategoriprogram for 2025. Det at leverandørkjeda innan IKT-sektoren er lite open om konkrete forhold i verdikjeda, førte hausten 2024 til eit opprop mot Apple og Cisco der 15 store europeiske innkjøparar gjekk saman. Noko av fokuset var å få innsikt i forsyningskjeder med høg risiko for ulovlege forhold, støtte dei tilsette sine eigne initiativ for å avdekke, vurdere og handtere risikoområde i produksjonsledda, samt sikre effektiv rettshjelp for offer for brot på menneskerettigheitene og hindre at arbeidstakarar vert utsette for gjengjeldingar.

Som eit ledd i arbeidet med aktsemdsvurderingar vil Helse Vest IKT AS ha dialog med Sykehusinnkjøp HF, med særleg fokus på vesentlege risikoområder og oppfølging av desse. Sykehusinnkjøp HF gjer djuptgåande risikoanalysar med tiltaksplan for kvar enkelt kategori gjennom kategoriprogrammet.

² (Tjenester 1.7.1 Samfunnsansvar).

³ «Redegjørelse rapporteringsåret 2024».



Ved anskaffingar der Sykehusinnkjøp HF ikkje inngår og forvaltar kontraktane har Helse Vest IKT ansvar for å fremje respekt for menneskerettar og anstendige arbeidsforhold ved å stille krav til våre leverandørar, og gjere aktsemdsvurderingar. Dette gjeld i hovudsak kjøp av varer og tenester der ikkje er oppretta innkjøpsavtale for, og gjeld for det meste norske leverandørar som har krav på seg til å følgje openheitslova. Det er i liten grad etablert tiltak for å sikre at Helse Vest IKT kan etterleve krava som blir stilt.

Tiltak for å betre dette er å nytte inngåtte innkjøpsavtalar, overvake avtaledekningsgrad og avtalelojalitet, samt gi betre informasjon og opplæring internt.

Helse Vest har utarbeida ny prosedyre for gjennomføring av aktsemdsvurdering som følgjer prosedyren til OECD, og inneheld seks steg:

1. forankre ansvar
2. kartlegg moglegheiter og negative konsekvensar
3. iverksett tiltak
4. følg opp tiltaka
5. kommuniser med interessentar
6. gjenoppretting

Helse Vest IKT vil nytta denne i aktsemdsvurderingar for anskaffingar som ikkje vert utført av Sykehusinnkjøp, og der risikovurdering tilseier at en bør gjennomføre vurdering. Helse Vest IKT har ikkje gjennomført eigne anskaffingar med ein risikoprofil som tilseier at ein skulle hatt aktsemdsvurderingar i 2024.

Helse Vest har i løpet av 2024 gjennomført fleire aktivitetar for å få betre kontroll på kjøp utanfor avtale:

- opplæring av leiarar og innkjøparar/rekvirentar.
- tatt i bruk regional løysing for måling av avtalelojalitet
- utarbeida rapportar for bestillarar slik at dei kan sjå avtalebruk per avdeling, og få betre analyser av avtaledekning

I arbeid innan etisk handel, antikorupsjon og samarbeid med leverandørar er det inngått regionale samhandlingsavtaler med LMI og Melanor som også kan nyttast som generelle retningslinjer for samarbeid med alle leverandørar.

